



XUNTA DE GALICIA

CONSELLERÍA DE
CULTURA E TURISMO

Estrada Santiago-Noia, Km. 3 (A Barcia)
15897-SANTIAGO DE COMPOSTELA
Teléfono 981 542 500



O Pleno do Consello do Turismo de Galicia, reunido en sesión ordinaria do 17.12.2018, acordou emitir o informe que literalmente se transcribe a continuación sobre o *Proxecto de decreto polo que se regula a ordenación dos campamentos de turismo*:

“ ANTECEDENTES

A Axencia Turismo de Galicia remite o 03.12.2018, para o seu informe polo Consello do Turismo de Galicia, o *Proxecto de decreto polo que se regula a ordenación dos campamentos de turismo*:

CONSIDERACIÓNS LEGAIS E TÉCNICAS

1. Competencia.

Emítase este informe de conformidade co disposto nos artigos 7 da Lei 7/2011, do 27 de outubro, do turismo de Galicia e 6.1 a) do Decreto 149/2012, do 5 de xullo, polo que se regula o Consello do Turismo de Galicia, que establece entre as funcións do Consello do Turismo de Galicia a de informar, con carácter previo á súa aprobación, sobre as disposicións regulamentarias que se diten en desenvolvemento da Lei 7/2011, do 27 de outubro, do turismo de Galicia.

Este proxecto de decreto é unha norma regulamentaria que se dita en desenvolvemento da citada Lei do turismo de Galicia.

2. Marco xurídico.

Os artigos 148.1.18 da Constitución Española e 27.21 do Estatuto de Autonomía de Galicia dispoñen que lle corresponde á Comunidade Autónoma de Galicia a competencia exclusiva en materia de promoción do turismo no seu ámbito territorial.

En base ao citado título competencial apróbase a Lei 7/2011, do 27 de outubro, do turismo de Galicia, enumera no seu artigo 55 os tipos de establecementos de aloxamento turístico, entre os que se atopan os campamentos de turismo. O artigo 66 da lei define os campamentos de turismo nos seguintes termos:



Xacobeo 2021



XUNTA DE GALICIA

CONSELLERÍA DE
CULTURA E TURISMO

Estrada Santiago-Noia, Km. 3 (A Barcia)
15897-SANTIAGO DE COMPOSTELA
Teléfono 981 542 500

galicia

“1. Considérase campamento de turismo o establecemento de aloxamento turístico que, ocupando un espazo de terreo debidamente delimitado e dotado das instalacións e servizos que se establezan regulamentariamente, estea destinado a facilitar a estancia temporal en tendas de campaña, caravanas, autocaravanas ou calquera elemento semellante facilmente transportable, así como doutras instalacións estables destinadas ao aloxamento temporal que sexan explotadas polo mesmo titular do campamento.

2. Enténdese por instalacións estables, destinadas ao aloxamento temporal, as instalacións de elementos fixos prefabricados de madeira ou similares tipo cabana, bungalow ou outros elementos transportables e/ou desmontables, sempre que se trate de edificacións independentes ou pareadas, de planta baixa.

3. Os campamentos de turismo clasifícanse, de acordo coas súas instalacións e servizos, nas categorías que se fixen regulamentariamente segundo os seus requisitos

4. Créase o distintivo de campamento de turismo verde, que poderá outorgarse pola Administración da Xunta de Galicia aos campamentos que, con independencia da categoría que ostentasen, cumpran ademais cos requisitos que se establezan regulamentariamente.

5. Poderán establecerse zonas especiais de acollida exclusivamente para autocaravanas e caravanas en tránsito consistentes en espazos de terreo debidamente delimitados, dotados e acondicionados, abertos ao usuario turístico para a súa ocupación transitoria. A súa estancia non poderá exceder dunha noite. A súa regulación e control será competencia da Administración local onde se ubiquen”.

3. Observacións de melloras do texto.

A modificación do artigo que regula os campamentos de caravas e autocaravanas, que pasaría a ter a seguinte redacción:

Artigo 36. Campamentos de Turismo para autocaravanas

1. Son os campamentos de turismo que están reservados para uso exclusivo de vehículos vivenda (autocaravanas e campers) e vehículos análogos, estando prohibida a instalacións nas mesmas de calquera tipo de tendas de campaña ou instalacións fixas ou móbiles para o aloxamento de persoas usuarias. Nestes campamentos estará permitida a apertura de toldos, mesas, cadeiras así como a nivelación do vehículo e a apertura de ventás superando o perímetro do mesmo sempre que se faga dentro dos límites da mesma parcela.



Xacobeo 2021



XUNTA DE GALICIA

CONSELLERÍA DE
CULTURA E TURISMO

Estrada Santiago-Noia, Km. 3 (A Barcia)
15897-SANTIAGO DE COMPOSTELA
Teléfono 981 542 500

galicia

2. Quedan excluídas deste tipo de campamentos de turismo as zonas especiais de acollida para caravanas e autocaravanas en tránsito ás que se refire o artigo 66.5 da Lei 7/2011, do 27 de outubro, cuxa regulación corresponderá á administración local onde se sitúen, nas que o tempo máximo de estancia estará limitado a unha noite.

3. Os campamentos de turismo para autocaravanas quedan obrigados ao cumprimento do disposto no capítulo II deste decreto, coas excepcións dos artigos 4.1, 5.3, 6; 7 e 12.1.

4. A zona de acampada dividirse en parcelas individuais debidamente sinalizadas nos seus vértices con indicación do número de parcela. Calquera delimitación adicional das parcelas, xa sexan mediante valados ou pantallas vexetais, deberá ser homoxénea na totalidade do establecemento e integrada na contorna.

5. O firme das parcelas deberá estar achaiado e asfaltado ou compactado, e as parcelas expeditas ata unha altura mínima de catro metros.

6. Como mínimo, o 90% das parcelas terán unha superficie de 40 m², e para o 10% restante, a superficie mínima sería de 30 m².

7. Como mínimo, o 50% das parcelas disporán de subministro de electricidade cunha capacidade mínima de 6 amperios.

8. Ademais, e atendidas as súas especiais características, deberán contar con:

a) Un punto limpo por cada 40 parcelas ou fracción que será a zona de tratamento de residuos e baleirado das augas grises e augas negras conectada á rede de saneamento ou fosa séptica, e que disporá dunha zona de porto que será o espazo acondicionado pra realizar as tarefas de mantemento das autocaravanas ou campers, contando polo menos cunha superficie de formigonado liso ou similar dun mínimo de 3m x 2 m cun sumidoiro. Ademais, e na mesma proporción, deberán dispor de billas de auga potable para o enchido do depósito da auga e outro para o lavado dos depósitos dos WC, debendo estar debidamente identificadas e diferenciadas.

b) Os materiais do revestimento da zona de porto e punto limpo, deberán ser antiadherentes e de fácil limpeza.

c) Os puntos limpos, estarán separados da zona de parcelas, e dotados dalgún sistema de ocultación, preferiblemente mediante elementos naturais, para evitar malos olores e impacto visual á zona de parcelas.



Xacobeo 2021



XUNTA DE GALICIA

CONSELLERÍA DE
CULTURA E TURISMO

Estrada Santiago-Noia, Km. 3 (A Barcia)
15897-SANTIAGO DE COMPOSTELA
Teléfono 981 542 500

galicia

d) Servizo de vixilancia permanente presencial ou automático do establecemento adaptado a súa extensión e capacidade.

9. Así mesmo deberán contar cos seguintes servizos para as persoas usuarias:

a) Máquina expendedora de bebidas ou vending.

b) Lavabos independentes para homes e mulleres, a razón dun por cada 50 prazas de aparcamento ou fracción de que dispoña o establecemento.

c) WC independentes para homes e mulleres, a razón dun por cada 50 prazas de aparcamento ou fracción de que dispoña o establecemento.

d) Duchas independentes para homes e mulleres, a razón dunha por cada 50 prazas de aparcamento ou fracción de que dispoña o establecemento.

e) Servizo de auga quente nas duchas e lavabos.

f) Servizos hixiénicos para persoas con discapacidade.

Por todo o exposto, o Consello do Turismo de Galicia,

INFORMA

Favorablemente o *Proxecto de decreto polo que se regula a ordenación do campamentos de turismo* pola súa adecuación á normativa sectorial vixente”.



Xacobeo 2021